

大清會典
工部



大清會典卷之

工部

都水清吏司

藏冰

凡伐冰在京取諸

御河及龍王堂蓮花池。通州取諸潞河。歲以冬至後半月。部委司官一人。募夫伐冰。取其明淨堅厚者。以方尺有五寸為塊。

凡納冰。

紫禁城內窖五。藏冰塊二萬五千。



大清會典 工部

景山西門外窖六。藏冰塊五萬四千。德勝門外窖三。藏冰塊二萬六千七百。以供各

壇

廟祭祀暨

內廷之用。德勝門外土窖二。藏冰塊四萬。

正陽門外土窖二。藏冰塊六萬。以供公廨。官學及

各門各監獄。官設暑湯之用。

凡工費。計塊酬直。以取自通州運京。及取自京

城為差。京城又以納於

紫禁城內。及各門外為差。如藏冰不敷用。從市採

買。以夏月及秋月為差。均由部給發。

凡畿輔藏冰。以供

陵寢祭祀

昭西陵。由遵化州。薊州。

孝陵。

孝東陵。由豐潤縣。

景陵。由遵化州。

妃園寢。由薊州。

泰陵。由易州。

孝賢皇后陵寢。由豐潤縣。

凡

車駕巡幸直省。均由地方有司供用。無常數。惟熱河
 定冰塊五千。喀喇河屯千塊。巴克什營兩間房
 長山峪。樺榆溝。中關。小營。博羅河屯。各五百。均
 豫年伐藏。



